



Kuvendi i Komunës Klinë
Komiteti për Politikë dhe Financa
01Nr 06-2964 /23
Klinë, dt: 26.01 /23

PROCESVERBAL

Nga mbledhja e XII e Komitetit për Politikë dhe Financa, mbajtur, më 08.12.2023, me fillim nga ora 9:00 në sallën e Kuvendit të Komunës.

Mbledhjen e hapi Kryesuesi, z. Fadil Gashi, i cili përshëndeti të gjithë anëtarët e Komitetit, OSBE-në, drejtorë të drejtorive, zyrtarët dhe gjithë të pranishmit.
Gjithashtu, theksoi se përveç pikave të cilat janë për shqyrtim në rend të ditës, të futen si pika edhe dy kërkesa:

1. Draft-plani i punës së ekzekutivit për vitin 2024.
2. Draft -planifikimi i prokurimit për vitin 2024.

Më pas, Kryesuesi prezantoi rendin e ditës:

1. Arsyetimi i mungesave,
2. Shqyrtimi dhe miratimi i procesverbalit nga mbledhja e kaluar,
3. Shqyrtimi i propozimit për falje të qirasë komunale sipas propozimit të Drejtorisë për Financa, Ekonomi dhe Zhvillim,
4. Shqyrtimi i planit të punës së kuvendit dhe kalendarit për mbajtje të mbledhjeve për vitin 2024,
5. Shqyrtimi i kërkesave të arritura për Komitetin për Politikë dhe Financa për muajin nëntor-dhjetor 2023,
6. Të ndryshme.

Fadil Gashi, kryesues: Këto është mirë në t'i procedojmë pa e përfunduar këtë vit dhe pjesën

tjetër të rendit të ditës veç e keni. Unë po hap debat rreth rendit të ditës me këto dy propozime që unë i shpalosa para jush, a ka dikush? Nëse s'ka, a po pajtoheni me rendin e ditës me këto dy kërkesa, kush është për?

Me 7 vota PËR, asnjë kundër dhe asnjë abstenim u miratua rendi i ditës.

1. Arsyetimi i mungesave.

Fadil Gashi, kryesues: Jemi të gjithë prezent.

2. Shqyrtimi dhe miratimi i procesverbalit nga mbledhja e kaluar.

Fadil Gashi, kryesues: A ka dikush për procesverbalin e mbledhjes së kaluar?

Me 7 vota PËR, asnjë kundër dhe asnjë abstenim u miratua procesverbali i mbledhjes së kaluar.

Pika 3. Shqyrtimi i propozimit për falje të qirasë komunale sipas propozimit të Drejtorisë për Financa, Ekonomi dhe Zhvillim.

Fadil Gashi, kryesues: Fillimisht po ja kaloj fjalën drejtorit për Financa, Ekonomi dhe Zhvillim.

Enver Berisha, drejtor i FEZH: Faleminderit, kryesues, përshëndetje anëtarë të KPF-së, për përfaqësuesin e policisë! Duke u bazuar mbi të drejtën tonë si pushtet lokal që bazohet në Ligjin mbi Vetëqeverisje Lokale dhe në Ligjin për Financa Publike, dhe duke i pasur parasysh rrethanat në të cilat po kalojmë si vend dhe gjendjen e rënd që një kategori e shoqërisë tonë po e kalon, duke u nisur nga kategoritë sociale, disa kategori të luftës, dhe një rekomandim të auditorëve gjeneral që na është thënë edhe në takim me kryetarin kur kemi qenë, për një kategori e cila ka mbetur barrë e komunës që nga vitet e pasluftës e këtej, një borxh i pashlyer por që realisht komuna në një mënyrë apo në tjetrën nuk është më shumë kompetente për t'i marr ato të hyra. Është fjala për qiratë që kanë për taksa, që kanë paguar njerëzit për hapësira publike dhe që ato është një kohë e gjatë që nuk ekzistojnë dhe, është fjala për disa lokale që janë rrënuar kohë më parë dhe një kategori tjetër që është menaxhuar nga AKP-ja, e që në fakt kanë figuruar si obligime në komunë, dhe ne si Drejtori e Financave i kemi analizuar këto dhe pas krejt kësaj kemi ngrehur këtë çështje në Bordin e drejtorëve dhe aty jemi dakorduar që kjo kërkesë të vijë në

kuvend. Ne i kemi ofruar si propozim dhe është në dorën e juaj që ju ta vlerësoni dhe ta aprovoni apo jo, megjithatë do të ishte mirë që në kuadër të këtyre faljeve ne me i ndërtuar edhe kriteret dhe në kuadër të saj, në rastet sociale që realisht një pjesë e tyre e kanë një akumulim të obligimeve të borxheve ndaj komunës, me kriterin se nëse ne planifikojmë me i fal qiranë për një vit, me kushtin që ajo familje ose ai obligues me i paguar obligimet tjera. Nëse ka rast që nuk ka obligime, dmth nëse ka familje që e kanë kryer krejt obligimin e qirasë, me e fal për një vit në parapagim, dhe në njëfarë forme kështu vlen edhe për kategoritë e luftës por të njëjtin këtë kriter ndoshta mund ta zbatojmë edhe te këto tarraca dhe biznese. Kështu që, është një borxh që komunës i figuron edhe që është rritur borxhi në publik të komunës, në njëfarë forme pa të drejtë, sepse ato që kanë objekte ose lokale që janë menaxhuar nga AKP-ja s'kanë pasur obligim me hyrë në qira te ne, por edhe del një pjesë e lokaleve që janë rrënuar dhe te tarracat që kohë e gjatë nuk shfrytëzohen dhe nuk kanë pasur obligim m'i dalluar qiratë. Kështu që, ne sot e kemi sjell si propozim po me kushtin që në seancë me i specifikuar të gjitha rastet, qoftë të kategorive sociale, qoftë bizneseve, tarracave, qoftë të këtyre pronave që kanë qenë në AKP dhe vlerën totale dhe sa ka me qenë për një kategori, sa për njërën, sa për tjetrën.

Kështu që, ky është një propozim i yni, por kërkoj që ky rekomandim të kalojë për asamble, faleminderit!

Fadil Gashi, kryesues: Faleminderit, drejtor, a ka dikush? Po, Tunë Deda?

Tunë Deda: Përshëndetje, kryesues, për ju, përshëndetje drejtor dhe gjithë të pranishmit këtu, përshëndetje përfaqësues të policisë! Kjo sipas mendimit tim është "thikë me dy tehe" sepse duke ju fal borxhet atyre që kanë mbetur ju hymë në hak atyre që kanë bërë pagesë, që kanë qenë të rregullt. Unë po e them mendimin tim personal, nëse unë jam për të shkuar në këtë orientim, nëse i falet borxhi, gjithëve duhet me këqyr me ua fal, por me kusht, me ua fal p.sh. për një vit, ose këta që kanë pasur obligim për lokale që e kanë pasur me qira, unë e di që e kanë bërë me qira prej komunës, me qira të lirë edhe i kanë shitur, jua kanë dhënë të tjerëve, i kanë marr paratë muaji për muaji për atë lokal. Nëse i ka marr 50 ai e ka shit 150 euro, ia ka dhënë me qira të tjetërkujt. Unë jam që t'ju falen p.sh. 30% të borxheve, me kusht që 70%-shi i borxheve me u paguar, e ata që nuk e bëjnë pagesën mos me jua fal, me i dërguar te përmbaruesi, m'i marr paratë se është e drejtë e komunës. Ata është dashur m'i paguar edhe ata çka kanë mbetur borxh për ato tarraca të lokaleve që kanë qenë të prishura, me këqyr, nëse ka qenë borxhi i përparshëm për pa ju rrënuar lokali atij, atë borxh me përqindje me ja fal, pasi ju ka rrënuar lokali s'është dashur me u ngarkuar, se s'ka pasur qysh me u ngarkuar ai me borxh kur s'ka punuar. Ky është mendimi im dhe mendimi personal i grupit që e përfaqësoj këtu.

Enver Berisha, drejtor i FEZH: Tunë, nuk bëhet fjalë për lokalet që i ka dhënë komuna në shfrytëzim, lokalet nuk jemi duke i falur, ne jemi duke i falur hapësirat publike dhe lokalet që janë rrënuar në kohën e mëhershme. Këto lokale nuk lirohen, lirohen qiratë për banesa sociale, jo për lokale që komuna i ka dhënë në shfrytëzim.

Tunë Deda: Unë këtu i shoh dy emra që nuk kanë pasur lokale tjera, por e kanë marr lokalitë e komunës në shfrytëzim me qira dhe sot janë këtu të shkruar, për atë edhe e përmenda.

Ndoshta është lëshuar gabim këtu, po atyre që ju ka marr lokali, po them nuk duhet me ua fal borxhin komplet çka kanë pasur ata në kohën që kanë qenë duke punuar, po prej kohës që ju ka rrënuar lokali ata s'është dashur me u ngarkuar. Ndoshta edhe s'janë ngarkuar, por ndoshta edhe ec kamata, edhe ju ka shkuar ky borxh. Këtu po shoh që ka borxh në vlerë 20.000,00 euro. Kërkoj falje, s'është mirë me i liruar krejt, është mirë me i liruar me përqindje sikur po thua ti, për një vit, me kusht me u paguar borxhi i vjetër, po së pari me u paguar pastaj me u liruar, me jua bërë një njoftim. Ky është mendimi im, po ju në fund të fundit qysh ta sjellin vendim ata gjithë bashkë, ashtu po shkojmë.

Fadil Gashi, kryesues: A është fjala për banesa, apo edhe për lokale?

Enver Berisha, drejtor i FEZH: Lokalet, unë e thash, lokalet që janë rrënuar, që ka mbetur ndonjë, ende në evidencë të komunës edhe hapësirat publike që më nuk shfrytëzohen prej atyre pronarëve, edhe lokalet që kanë mbetur ende ndonjë prej atëhershmit. Kështu, unë e pata bisedë edhe me anëtarët e komitetit, ne munguam për shkak të vizitës që ishim në Itali, vizitës zyrtare. Realisht kohën e patëm shumë të shkurtër me e bërë specifikacionin për sot, po unë po kërkoj që kjo të hyjë në rend të ditës për seancë dhe të gjitha specifikacionet që duhet me shkrim do t'i keni me materialin për seancë.

Komiteti për Politikë dhe Financa, pas shqyrtimit të propozim-vendimit të Drejtorisë për Financa, Ekonomi dhe Zhvillim, me 7 vota PËR, rekomandoi që propozim-vendimi të kalojë për shqyrtim në Kuvend, por që deri në seancë të sjellët në detaje propozimi për faljen e qirasë komunale në mënyrë që kuvendi të mund të vendos përfundimisht rreth kësaj çështje.

4. Shqyrtimi i planit të punës së kuvendit dhe kalendarit për mbajtje të mbledhjeve për vitin 2024.

Lidhur me këtë pikë, kryesuesi, theksoi se ashtu siç parashihet me Ligjin për Vetëqeverisje Lokale dhe Rregulloren për punë të Kuvendit është hartuar ky draft-plan i punës së kuvendit dhe kalendarit për mbajtje të mbledhjeve për vitin 2024, por që duhet të shqyrtohet dhe miratohet edhe nga Kuvendi.

Komiteti për Politikë dhe Financa, pas shqyrtimit të draft-planit të punës së kuvendit dhe kalendarit për mbajtje të mbledhjeve për vitin 2024, me 7 vota PËR, pa ndonjë vërejtje apo sugjerim, rekomandoi që i njëjti të kalojë për shqyrtim dhe miratim në Kuvend.

Pika 5. Shqyrtimi i draft-planit të punës së ekzekutivit për vitin 2024.

Lidhur me këtë pikë, referoi drejtori i Drejtorisë për Financa, Ekonomi dhe Zhvillim, z. Enver Berisha, i cili theksoi se draft-planit i punës është hartuar duke u bazuar në nevojat që kanë qytetarët e Komunës së Klinës të theksuara gjatë dëgjimeve buxhetore dhe kërkesave të vazhdueshme që bëjnë në komunë. Në këtë plan të punës, synimet dhe projektet e planifikuara të ekzekutivit të komunës së Klinës për vitin 2024 janë në funksion të realizimit të synimeve kryesore zhvillimore. Po ashtu, përcakton aktivitetet që do të ndërmerren këtë vit dhe kohën e aktivitetit për të bërë realitet vizionin që Klina gradualisht të bëhet një komunë ekonomikisht e zhvilluar me një administratë efikase, në shërbim të qytetarëve të vet dhe bizneseve, me një mjedis të pastër dhe atraktiv për të jetuar dhe punuar, duke treguar progres të vazhdueshëm në përmirësim të cilësisë së arsimit, shëndetësisë dhe shërbimeve publike. Andaj, kërkoi që i njëjti të kalojë për shqyrtim dhe miratim në Kuvend.

Komiteti për Politikë dhe Financa, pas shqyrtimit të draft-planit të punës së ekzekutivit për vitin 2024, me 7 vota PËR, pa ndonjë vërejtje apo sugjerim, rekomandoi që i njëjti të kalojë për shqyrtim dhe miratim në Kuvend.

Pika 6. Draft -planifikimi i prokurimit për vitin 2024.

Labinot Morina, zyrtar i Prokurimit: Përshëndetje për të gjithë! Ne si zyrë e prokurimit kemi përgatitur planifikimin e prokurimit për vitin 2024. Planifikimi është bërë në koordinim me buxhetin komunal për vitin 2024 dhe kërkesat e dërguara nga njësitë kërkuuese që janë drejtoritë, e ky planifikim ka dalë të jetë diku mbi 5.000.000,00 për mallra dhe shërbime, pra për furnizime janë 23 procedura, që kap vlerën mbi 800.000,00 euro; për kategorinë e shërbimeve janë 13 procedura, që kap vlerën mbi 1.400.000,00 euro dhe; për komunë është 38 procedura, që kap vlerën mbi 3.500.000,00 euro. Këto nuk janë të përfshira me kontratë kornizë që janë me mbi 2 dhe 3 vjeçare, po ashtu, nuk janë të përfshira edhe grandet nga qeveria dhe grandet tjera. I bashkangjitur është edhe plani në detaj, kështu që, kjo është në vija të trasha, planifikimi i prokurimit për vitin 2024.

Fadil Gashi, kryesues: Faleminderit shumë, a ka dikush diçka? Kush është për ta miratuar për kuvend?

Komiteti për Politikë dhe Financa, pas shqyrtimit të draft-planifikimit të prokurimit për vitin 2024, me 7 vota PËR, pa ndonjë vërejtje apo sugjerim, rekomandoi që i njëjti të kalojë për shqyrtim dhe miratim në Kuvend.

Pika 7. Shqyrtimi i kërkesave të arritura për Komitetin për Politikë dhe Financa për muajin nëntor-dhjetor 2024.

Organizata e Veteranëve të Luftës së UÇK-së, bazuar në kërkesat e parashtruara në gjashtëmuajorin e parë të vitit 2023 me anë të së cilave, Organizata e Veteranëve të Luftës së UÇK-së, Shoqata e Invalidëve të Luftës së UÇK-së dhe Shoqata e Familjeve të Dëshmorëve të UÇK-së, kishin kërkuar mbështetje financiare në vlerë të përgjithshme prej 26.390,00 euro ku pas shqyrtimit të këtyre kërkesave në KPF dhe më pas në Kuvend, duke pasur parasysh shumën e lartë të mjeteve financiare u rekomandua që kërkesat të shqyrtohen dhe të shikohet mundësia për mbështetje financiare me rastin e rishikimit të buxhetit për vitin 2023.

Fadil Gashi, kryesues: Me thënë të drejtën, ne kemi pasur një kërkesë në fillimvit, bile na kishin përkujtuar, na kishin përcjell edhe vendimin tonë. Ne ja kemi kthyer në rishikim të buxhetit, këtu është nga kuvendi ju kemi thënë se ju njoftojmë se pas shqyrtimit të kërkesës së lartpërmendur nga kuvendi, duke parë që shuma e kërkuar është e lartë dhe kjo vlerë nuk është e mundur të ndahet nga kuvendi i komunës pa planifikim buxhetor, kuvendi rekomandoi që kërkesa të shqyrtohet me rishikimin e buxhetit për vitin kalendarik 2023, çka ne nuk kemi pasur fare rishikim të buxhetit dhe kjo është e saktë, por ata e kanë përsëritur prapë. Është kërkesa e njëjtë me shumën e njëjta dhe unë po i lexoj ndoshta 3 kërkesat, një nga një, po natyra e tyre është e njëjtë, me shumën dalluese: Shoqata e Invalidëve të Luftës së UÇK-së i kërkon 8.480,00; Shoqata e Familjeve të Dëshmorëve të UÇK-së 8.560,00 dhe e fundit; Organizata e Veteranëve të Luftës së UÇK-së, 9.350,00 euro. A ka dikush që mund të na ndihmojë në këtë rast?

Azdren Ramadani: Faleminderit, kryesues! Më së miri e di drejtori, se e ka buxhetin ky. Kështu që, nëse është mundësia na takon t'i ndihmojmë gjitha shoqatave, po gjithmonë duke e shikuar buxhetin sa mundet ky me dal.

Enver Berisha, drejtor i FEZH: Unë jam për ta rekomanduar po unë po bisedoj edhe me kryetarin, të shohim çka mund të bëjmë. S' do të thotë që tash pse është kërkesa në atë vlerë, me shkuar në atë vlerë. Le të rekomandohet për seancë.

Fadil Gashi, kryesues: Po, urdhëro, Tunë Deda?

Tunë Deda: Ndoshta nuk jam shumë i informuar po është dashur qeveria këtyre shoqatave t'ia caktojë për me ja dhënë statusin e njerëzve të punësuar aty që marrin rrogë nga shteti, edhe këto kërkesat që i bëjmë tash në komunë, është dashur nëse janë marr edhe për vitet e mëparshme

edhe e di që kanë marr, a kanë dhënë llogari kah i kanë dërguar ato mjete? Është dashur me dhënë llogari, se këto janë mjete të qytetarëve, taksa të qytetarëve, po zgjidhja më e mirë e mundshme nëse na dëgjon Ministria e Pushtetit Lokal, unë apeloj që këtyre shoqatave të ju dilet në ndihmë, se e meritojnë ta kenë problemin e zgjidhur por t' u dilet ndihmë prej qeverisë, e kanë mundësinë edhe kjo nuk është për krejt Kosovën, vetëm për Klinën. Kështu që, edhe unë pajtohem me dërguar në kuvend sa ka mundësi me ju ndihmuar, sa është mundësia se jo sa është kërkesa, se kërkesa, ndoshta dëshira jonë është me ja dhënë aq, po ku me i marr lekët, kaq!

Enver Berisha, drejtor i FEZH: Kryesues, realisht është pak problematike sepse edhe këto janë OJQ, dmth është pak problem me jua ndarë paratë. Po ne mund të shikojmë bashkërisht, me i veçuar pak si kategori që e meritojnë, por po e them edhe njëherë, gjithmonë pas një konsulte që e bëjmë edhe me kryetarin edhe e çojmë aspektin e mjeteve tona ka mundemi edhe sa mund ta lëvizim, edhe në kuvend e vendosim sa e qysh.

Fadil Gashi, kryesues: Nëse ne i kemi mundësitë buxhetore unë nuk dyshoj që s'ka vullnet dikush prej nesh mos me ndihmuar, edhe ne me parë shumë seriozisht nëse janë mundësitë. Vlera është 26.390,00 tash, vlerë e saktë e përgjithshme, as nuk fitojmë as nuk humbim më shumë. Po le të merret edhe drejtori, edhe me kryetarin edhe me komplet ekzekutivin edhe koha është e mjaftueshme derisa ne të shkojmë në seancë. Por një përgjigje korrekte duhet ta kthejmë sepse ne një e kemi kthyer që do të kemi mirëkuptim deri në rishikim të buxhetit. Ne s'patëm rishikim për këtë vit fare se s'patë as nga niveli qendror rishikim të buxhetit. Ne e kemi miratuar buxhetin për vitin fiskal 2024, kjo kërkesë ka të bëjë vitin që vjen me buxhet të ri a mund të planifikojmë që këta kanë me u drejtuar me këto kërkesa. A ka dikush?

Komiteti për Politikë dhe Financa, pas shqyrtimit të kërkesave të parashtruara nga organizatat e dala nga lufta e UÇK-së, me 7 vota PËR, rekomandoi që kërkesat të dërgohen për shqyrtim në Kuvend.

Pika 8. Të ndryshme.

Fadil Gashi, kryesues: Të ndryshme, a ka dikush? Atëherë po ju falënderoj shumë, faleminderit për pjesëmarrje!

**Procesmbajtësja,
Monika Palushi**



**KRYESUESI,
Fadil Gashi**

